

序

余讀遷史記載秦越人



于意俞跗之徒其治人疾

病皆能觀察體脉輒洞臟

腑決死生至不爽豪末如

與齊桓公魏太子所辨治
多驗弗誣蓋其伎神妙得
之於心而又持其機權以
識其陰陽寒熱之辨經絡
腸胃腠理之殊而後施夫



刀圭方藥若燭照而數計
者是以業是者未易及也
然非太史公爲之記敘其
何以聲施後世而千載誦
法之哉宋有竇漢卿者以



瘍醫行於慶曆祥符之間
詔治太子疾召入仁智殿
下訊之未幾太子病愈輒
嘉勞之封爲太師以國老
稱遂命製諸方以弘濟寰

知有竇氏瘍醫矣然其書

之傳於世者分析種種繪

圖定方具有法度信利人

之妙術濟世之弘軌也我

明以來家有傳焉其方

驗裔孫楠續授太醫院

醫

士其子夢麟術業益工聲

稱籍甚乃緝遺書重增經

驗諸方梓以行世蓋得其



一技之良有功於人庶幾
繩祖父之萬一矣遡漢卿
爲合肥人嘗遊江湖遇一

至人而其術益神則醫胥業
之精信非偶然者矣夢麟

號仲泉今家常之無錫與

華太學復陽游復陽爲秋

官補菴公之子比來京師

備能道之欲乞一言爲序

余知竇氏之醫如盧扁而



深媿吾言之不能如遷史
令其信今而鳴後也聊書

以歸之隆慶三年龍集己

巳菊月望日賜進士及第

翰林院國史脩撰分校永



樂大典纂脩世宗實錄兼
理誥勅經筵講官吳郡申
時行書



序

嘗慨疾病於人惟疔瘍爲最慘
乃近時瘍醫指不勝屈求其明
經絡諳方藥者百不得一焉蓋
世之醫經醫方浩如煙海非得
秘旨奧訣融以心得之正法幾



何不至河漢其言耶宋時有竇
太師全書盛行於世明隆慶中
其裔孫夢麟增訂重梓申相國
嘗爲之序惜其板久失傳本多
亥豕之譌同里洪瞻巖先生精
醫術所購書不下數十百種余



因獲覲是書遂假歸重錄謀付
剞劂以救世之疾痛顛連者而
瞻巖先生復得宋刻原本相爲
校勘竇氏之遺書由是又粲然
矣若夫竇氏之得神其術始末
已詳申序茲不具述特以瘍醫



之視疾其形色雖辨於外而虛
實必審於內苟非剝解微細而
刀圭漫用藥石誤施豈不以人
爲戲乎余竊憐之昔人有云陰
淫寒疾陽淫熱疾風淫末疾雨
淫腹疾晦淫惑疾明淫心疾此



六者伏於內則病在腑臟發於
外則病在肢體有諸內者形諸
外理固然也今觀是書所載圖
其形症明其臟絡察其色脉辨
其逆順詳其吉凶識其深淺此
真所謂秘旨奧訣也則是編也



不徒珍之靈蘭之室用當刊布
寰區以啓後學也可以濟羣生
也可

康熙丁酉菊秋桐川陳廷桂識



瘡瘍經驗全書總目

第一卷

咽喉牙舌毒圖說症方計九十六條

第二卷

發胸面部疽毒圖說症方計九十五條

第三卷

胸腹腰肋癰毒圖說症方計一百十八條

第四卷

手腕發背疔毒圖說症方計七十條

第五卷



南京中醫藥大學圖書館版權所有